

嘉興府志卷五十五

嘉興府知府 伊湯安 重輯

列傳六

嘉善縣

孝義

明

丁長如字海鶴其先從宋南渡居嘉興永安鄉卽今丁澤
析縣隸嘉善長如生元季明洪武初徵授黃州府倅告
歸宣德時析縣興築長如年逾八十率子弟爲衆倡撤
廳事改構明倫堂撤岸石爲麗譙址縣令李遜以其賢

嘉興府志

卷五十五 列傳六

一

祀于鄉郡丞曾維倫爲記勒石賓其六世孫也嘉善志

陸琦字文璐汾湖人宣德中父坦將建學宮不果而沒琦
承父命捐地復建義塾於汾湖之陰學士曾鶴齡爲記

浙江通志

支茂字宗衍幼孤弟榮甫三歲遵命不析居貢吏部授樂

安丞奉府督租有王某者貧欲鬻女以償茂爲代輸女

繪像祀之浙江通志參嘉善楊志

趙純字希文以舉人授階州學正初學於項襄毅忠正統
己巳傳忠死日夕泣奠後忠還柄用純適遷襄王府教
授有將校坐法當刑謁純求解卒不以私撓法忠益重

之嘉善
楊志

周玘景泰中兄當戍五開玘年十七慨然請代父兄不許

有司亦難之玘曰家貧役重非兄無以養親請益力官

不能奪

浙江通志

江吉字季正以舉人令萍鄉有政績告歸事親色養備至

徐鵠由掾敘官倉大使父久病竭力侍湯藥以勤瘁卒

吳志參

褒祀編

王尙賓字肖峯貢生趙府教授動無越禮嘉靖間捐田一

百二十畝後學使者于學租內每年奏銷扣給銀十兩

以助其子孫為祀讀資

嘉興府志

卷五十五

列傳六

二

孫顯字顯一明洪熙時以儒官奉詔親早沒終身蔬食祭

必哀遇人急質貸以濟子麒孝友有父風

以上嘉善志

魏邦直字君賢少喪母懷慕不置事舅氏如事母居家友

愛慈和終身無疾言遽色鄉里化其德行卒私謚康惠

子大中

嘉禾徵獻錄

葉守德字小江與弟守禮友愛自置田八十畝與均分且

時以財給之子翹拔貢為昌樂令

吳志

倪津字雲橋萬歷中遇水旱散粟施糜建午莊橋撫膳爨

獨官給冠帶旌之壽九十

浙江通志

章普音筆工也事母以孝聞母歿刻像以祀顧昌鑷工也

母年八十餘患痢且革昌日往里中真武祠稽顙祈以身代度不可為即於神前剝心探之不得割旁膜煮羹進母已數日不食聞其氣香甚食之頓愈每陰雨瘡痕痛楚不令母知昌年亦九十餘

嘉善于志參
浙江通志

鄒昊字孟昭母年七十因夫袒故慟喪明昊延醫治之不愈朝夕禱祀俄而母兩目中各重生一瞳復明如故

劉志

錢春字應仁以進士為行人和粹孝友人以非禮加之置弗較拜監察御史卒祀鄉賢曾孫天允以進士官兵部郎裔孫永善母病刲臂以療邑令旌其門曰純孝重光

以春亦嘗割股云

劉志參嘉善楊志

嘉興府志

卷五十五

列傳六

三

孫奎字山隱幼孤事母篤孝營三世墳塋積學好義以博士徵不赴年九十三舉鄉飲賓

吳志

沈槩字一之居憂蔬食三年臥起不離喪次考定四禮尤

嚴于喪祭兄槩性嚴毅承順得其歡心師事張東溟福友魏莊渠校邵端峯銳學益淬勵島夷寇三吳槩抱宗祏祭器避之郡城卒著有孝經刊誤詩文遺稿等書

兩浙

名賢錄參嘉禾徵獻錄

陳謨字昌言父吉應貢卒于京謨扶櫬歸哀毀骨立繼母

悍數欲致謨死謨事之益謹以已所置產讓弟母卒感動晚應貢不仕卒

浙江通志

沈稱字子德科弟諸生奉父母不違左右有事必長跪請
科謝政歸寢食必其家有一狸各育而其乳人以爲孝

感袁志

顧態字汝美少喪母父納一婢挾父勢凌態事之益虔積

館穀置田百餘畝與婢所出弟均析之父死婢就養二

子態曰父之所愛亦吾母也豈以存亡易心乃舉父遺

物委諸弟畱婢養之終身

浙江通志參嘉善楊志

郁本宗字和川有至性父病割股進未痊再割以進以貢

授吉水丞署邑令修葺文信國祠歲饑賑恤人稱慈母

歿祀鄉賢

袁黃傳參嘉善楊志

嘉興府志

卷五十五

列傳六

四

周寅字汝欽奉母至孝安貧守義嘗有盜其桔槔者已而

復還曰吾有慚于周君寅博覽強記嘗纂修郡志集註

小學校正四書音考有百楸堂稿

樵李詩繫參嘉善于志

陸申字天厚父忤劉瑾下獄刺血上書冤得釋以貢授楚

府典儀世子英耀弒逆官僚受賄不言申獨踰垣告變

英耀伏誅獄竟致仕歸

嘉禾徵獻錄

陸道乾字子勉歲饑以私積散宗人兩兄早世割產恤其

孤因宣公墓在忠州乞官蜀府紀善著吳山漫稿孫輝

錫集其遺文行世

樵李詩繫

吳儒字汝爲積學工文貢授儀真訓導與嵯使陳有舊商

人持金求援固却之歸田十餘年吟誦自適

嘉善章志

孫嵐字汝瞻孝友終身為孺子歡代兄任劇役好施捨飢

者予粟暴露者掩埋子朝宗以舉人令順昌嵐就養行

事必請命有異政三年將報最促之歸曰爾樹德于民

旋養志於親兩得之矣遂奉父歸嵐百歲建坊旌表有

司歲廩之設耆英社推嵐為祭酒

嘉善楊志

錢繼科字忠所父病踰年一夜數十起父構新居讓于弟

居鄉寒子纊飢子糲病子藥道殮子糶贖故人之子助

疫死之喪子士升士晉皆為名臣弟繼美字成所諸生

遊南雍謁選授江寧丞念母年老棄官歸蒙師李某死

嘉興府志

卷五十五

列傳六

五

子幼推解衣食委曲安置之族妹適沈寡挈之歸好善

如兄

袁志參浙江通志

丁鈔字九玉光祿寺丞以父病不之官歲禳傾囊以濟衣

食醫藥日不暇給蠲田五十餘畝備春秋學宮之祀邑

令上其事朝議旌之

袁志

孫光祖字豹韋孝友力學少遊王守仁門以明經授湖州

訓導遷開化教諭所著有龍賓堂稿祀鄉賢孫在鎬崇

禎丙子舉人

袁志參嘉善楊志

褚附鳳字梧崗貢生性耿介教授里中授吳江教諭師範

嚴肅陞縣令不就

孫宏祖字致虛諸生諸書過目成誦淡仕進常以敦行教子弟次子世芳字蘭林日誦數千言弱冠同從弟兆昌登賢書令瀘溪清慎有聲改青浦令未市月解組歸子世芬字子庸諸生年十五父病籲天請代及歿事祖母以色養世遠字子毅亦以孝友稱以上嘉善楊志

朱國望字士翹舉人崇禎中舉賢良方正不赴幼失怙篝燈夜讀輒泣數行下及長師事高攀龍所居嘗苦澇國望倡義鳩工築堤千丈鑿渠二里許民患以蘇歲饑發粟賑濟子顏復曾省舉人孟淑程淳選貢張銘進士官

行人嘉善楊志參
樵李詩繫

嘉興府志

卷五十五

列傳六

六

沈春山字愛梅孝友好施鄉人欲鬻女償債山為代償又捐貲築斜塘環秀橋高泰字以巢安貧嗜學弟升廢疾撫之極友愛處人和易鄉黨重之吳志參嘉善楊志

王任相字爾玉日積籌記善行里黨稱貸歲歉弗責償更應之有鬻子者焚券給以資喪祀編

孫峯字仰山貢生所居東郊外眾水交匯處名堰兜不通舟楫白于官疏通水道建石梁行旅便之子朝寵字賓湖廓父志易方梁為環洞其他好義一如父

浦廉字若虛葬親擇穴旁有二絕冢地師謂宜移去廉曰久埋之骨何可毀隣人為債家所逼將搯死弱女陷索

逋者廉聞遺金償所負女賴活夫婦壽俱九十六以上嘉善

志

錢吾仁字廓如父貞官汝寧府同知以代覲卒京師吾仁聞訃哀號徒步入都扶櫬行數十晝夜兩足俱裂幾不能支苦塊三年如一日奉繼母吳若所生吳待之甚嚴

吾仁事之益謹後感動無間言

浙江通志

陸維祺字九如國子生孝友敦行歲饑死亡載道維祺典質買棺殯殮買米賑濟全活數千人卒祀鄉賢

浙江通志 參嘉

善楊志

顧朝樞字仲執際明次子舉人性嗜學好義戚友緩急無

嘉興府志

卷五十五 列傳六

七

不應負亦弗較兄朝衡失父歡樞周旋曲至

嘉善楊志

周丕顯字知微舉人敦孝弟重氣節天文地理兵農禮樂

諸書洞悉原委邑中有大興革皆折衷之弟丕承字君

烈重然諾邑蝗倡義勸糶施糶掩骼傾資無吝色

袁志 參嘉

善楊志

沈懋德字雲高幼失怙恃歲時致祭輒飲泣兄性豪邁廢

祖產勿較隱居查溪課子孫誦讀歲饑倡議平糶有負

逋者以女償却之焚其券緝有五倫坊表錄

丁洪夏字養凝父病擇醫進藥口不甘味者累月及卒廬

墓哭泣洒樹樹為之枯以副貢授官母老不赴魏忠節

被逮竭蹶稱貸以贈歲饑出粟賑濟崇禎辛未詔訪地方人材撫按疏薦授常州府通判辭不就

以上嘉善楊志

夏繕字季脩舉人倜儻負奇耽經史與魏學洵討論無遺義不事生產事父尚文典鬻承歡與夏彝仲交契不通譜牒嘗同陳幾亭周知微究心實學知微沒輯其遺文

行世

懿行編

張所見字曉生更名介號吉先崇禎戊辰會試副榜授司理不就性孝友累世積善歲大稔饑者賑粟寒者給木絲設鄉塾建塔瘞暴骸戚黨婚葬必調脩築津梁葺古

今格言以訓子弟

嘉善楊志

嘉興府志

卷五十五

列傳六

八

魏廷薦字無咎忠節從弟諸生潛心河洛之學箋經註史爲後學宗法敦洽姻黨有大事傾資濟之所著有息踵居集以子學渠貴 贈官

蔣蒔字若子貢生所居遭火從烈焰中負父出母喪茹素三年有友負千金後因事陷獄復捐金以救弟卒贍養遺孀立繼析產讓以膏腴買婢詢爲士人女亟遣歸

以上

樵李詩繫

孫應文字懷川母病劇割股進負財不償者檢券焚之至家貧壁立無悔以子籀貴 贈南汝道副使

吳志

王道隆字爾愚性至孝姊適郁早世撫孤甥授以田宅如

已出妹婿沈浦賦二百石代爲輸納親族待以舉火者數十家歲旱蝗捐賑三百石復倡議平糶全活甚衆出私錢募人捕蝗縣令劉大啟旌其門

浙江通志

孫忠字忠一父嘗溺水爲風浪擁去忠投水掖父抵蘆渚

獲免母病侍牀褥數載無倦容季弟達早世母以哭子

失明忠刺血書金光明經竭誠籲禱瞽障復開二親相

繼亡廬于墓側旦暮號慟孺慕至老不替

嘉善志

錢淳性至孝父遇盜將殺之淳哀求代死得釋妻曹氏遭

兵投河死悼之終身不娶

褒祀編

張念省字覺源廉靜剛介年未三十喪偶不更娶撫姪芷

嘉興府志

卷五十五 列傳六

九

爲嗣旋天芷兄茁又卒撫茁子可賓教育備至賓力學

好善篤行誼

嘉善志

孫叔呂號士諧國子生考授光祿寺署丞戊午中副榜居

鄉倡舉利濟事邑人蒙其惠父朝宗純孝叔呂亦曲盡

孝道

嘉善志

王周官字存樸幼有孝童之目母疾中夜起祝願以身代

事後母盡歡心隣有以室售者價旣倍而復據之周官

出私錢俾滿欲而止

袁志

孫枝良字遇明遊雍有聲親亡哀毀垂絕父妾無子養葬

以禮待前母兄友愛彌篤歲祲多方調恤

嘉善志

陸敷樹字映萼母感心疾調護十餘年弗怠待異母弟二人不別籍異財

嘉善 崔志

郁期字幾先郁際字兆先兄弟敦倫尚義族黨有三十未娶者婚之三喪未舉者葬之歲饑出米百石以濟蝗災

復施糜三月全活甚衆

吳志

毛士龍字伯乘諸生坦易不事矯飾出爲伯父尚忠後尚忠舉子力請歸宗分授辭不受母病籲天求代父母歿哀毀不欲生撫幼妹遣嫁盡禮友愛弟士麟事祖父母備極悃摯兄弟終身無間言

袁志

戈用忠字蓋臣以歲貢授隰州知州性敦厚決獄平允用

嘉興府志

卷五十五

列傳六

十

杖輒流涕丁內艱攀轅載道歸家杜門著書

嘉善楊志 參樵李詩

繫

蔣鑑字永徹歲貢事母菽水盡歡有友寄金而歿其子不

知立攜還之

嘉善 楊志

孫養濂字浴凡貢生恬靜不求榮利授江西安仁訓導不赴父歿毀幾滅性兄養源邁外難悉力捍之從兄養佐賃其第不戒于火折券勿問

袁志

朱顏復字克非國望子天啟丁卯舉于鄉布衣素履不妄交接嘗道過武進其令爲同門生疑有所謁屏人曰子有欲言乎顏復正色曰無所欲言也卽促棹去年三十

七終病革弟曾省涕泣曰兄幸勿怖張目答曰死生有命何怖爲言迄逝顏復文章夷雅詩參韋孟著鹿柴咏藏于家曾省字魯參崇禎丙子舉人甲申之變痛不欲生作自祭文以卒弟程淳才名與兄頡頏順治甲午選貢痛父殞于賊手懷七刃執仇者再嘔血而亡

高士傳參新纂

案舊志朱國望傳不載被賊事此言痛父殞賊手未詳

毛尚質字素庵性狷介重然諾兄尚忠令清漳困疾千里

扶掖兄卒撫字藐孤辛勤備至季弟新居遭火代爲繕

葺析產推肥居瘠鄉里稱其友于

嘉善楊志

錢芬字仲方士晉子崇禎壬午舉人少失恃事繼母盡子

嘉興府志

卷五十五

列傳六

十一

職流寇披猖閣部史可法招至幕下辭不就溫清如所

生暮年著書大滌山有熹宗邑乘讀易緒言莊子緒言

諸書子黥有傳

檇李詩繫參嘉善楊志

孫紹祖字君裘遊北雍爲倪元璐器重母病目刺血書光

明經忽復明繼得危疾禱北辰祈代凡四十九日甦

袁志

陸奇字平侯諸生慷慨好義蝗災減價平糶冬夏施蚊幃

絮衣暴骨樵瘞所交皆寒士歲時餽遺勿絕

支允堅字子固如玉子性篤孝父病疽吮之嘔血幾斃及

卒哀慟欲死明季民解白糧繁重應者破家允堅上書

陳北解十弊直指左光先用其言勒石禁革

以上嘉善楊志

郁性善字承泉天性至孝父京病疽吮之立愈嗣父觸怒
豪貴遭冤獄善走千里白父冤跋涉成痼疾謂其子曰
父母全而生我我以父故致疾當復愈疾果瘳袁志
毛士麟字文石母卒勺飲不進事兄溫克內外事悉諮而
行弟士望病篤哀號籲天醫藥必親歲饑減價平糶湖
寇焚掠出粟贍族人四方知交攜詩文來者解榻盡歡
乃去

李稅字聯河生數月倭寇至母抱之奔避度不得脫泣而
置之橋下越宿寇退母往撥草視之酣睡如懷中父母
歿兩兄以稅出贖錢氏仲兄亡悉以家產讓遺孤子二

嘉興府志

卷五十五

列傳六

十三

然字元實剡字元晦然諸生博覽洽聞剡援例入雍拮
据恢父業嘗曰智勇仁強缺一不可否則田舍翁耳然
子嘉生順治甲午舉人剡子振宗康熙甲辰進士以上嘉善

楊志

孫世蕙字仲畹諸生篤倫嗜學有以酖餌世蕙父世蕙覺
之急取嘗嘔血數升暈仆逾日始甦是秋讀書樓下隱
几間神呼曰孝子速起蕙趨出樓柱遭霹靂矣著有畱

耕堂集

款行編

孫世選字在公諸生家貧授徒束脩必奉父與兄甚友愛
出處必偕父母俱年七十一日同逝世選一慟而絕袁志

徐汝璠字孔望諸生祖知禮字敬渠有千金貸程某歲饑不能償璠遵遺命焚其券善事繼母新溪萬安橋圯捐貲創建里人誦之

沈之治字修能兄之浩字天如皆諸生友愛寢食必偕之浩慷慨好施子遇貧交曲加周恤之治每先意承之

治卒妻守節三十餘年當事表其閭以上嘉善楊志

錢天相字輔之春曾孫文行推重士林與陳山毓龍正丁

洪春洪夏訂道義交著有豫遊草晚而好學兄天錫字

法巖持身清介長子汝元事親孝著聽松軒稿嘉善崔志

李標字子建精於戎機戰略軍律營陣壬遁諸書史可法

嘉興府志 卷五十五 列傳六 三

辟為記室後可法死揚州渡江會葬其衣冠于梅花嶺

歸而繞屋皆種梅賦詩三十首蓋自託于西臺謝參軍

云著有東山遺稿靜志居詩話

周宗宐字敬生父成禮折節好施歲大水禾稼漂沒寬量

貸粟不責償宗宐居父喪哀毀逾禮仲兄宗榮早世遺

孤振豐甫四歲撫育教訓體恤備至他若周貧乏置祭

田建橋梁為德于鄉甚多

蔣芬字去華父小江隨兄英宦遊悉以家業付長子分產

不問肥確偕魏學伊講濂閩之學璫禍作魏璫誣贓數

千金捐貲代納吳門張溥倡復社推為領袖遊北雍會

流寇充斥上命卿部各舉經術一人侍郎姚思仁以芬
應詔念母年高辭不就啟聖宮圮獨任修葺歲游饑貴
穎賤出著有孝經疏義

柯茂林字秀崗父得仁累世忠厚茂林侍奉甘旨溫清維
謹兄成林字萃崗歿于王事遺孤三人以已所置田產
分授曰我不欲使我子獨豐也

陸靈海字若生父輝錫早失怙叔遭無妄白其寃令惕以
刑不屈試以文奇之遂得釋兩中副榜撫異母弟友愛
肫摯遇人急難必多方拯救舉鄉飲賓以上嘉善楊志

魏愷字嘉虞大中從子性恬靜不矜崖岸詩文有逸氣侍

大中二十載服膺遺訓終身勿踰尺寸兩舉鄉飲不赴

易簣時囑其子曰勿怛化勿奏樂勿作佛事

嘉善楊志

魏學洙字子聞諸生大中少子兄學泚死學濂走闕下學

洙侍母錢患難中能得歡心里人有踐更之役諷洙緩
頰致百金洙曰此輕則誰重且干澤非分寵賂非德磨
之去侍母疾心力瘁竭母愈洙竟以是殞年僅二十七

浙江通志參
嘉善楊志

沈大政字爲吾事親孝待庶弟有恩戚族子女無依者撫

養得所修宗譜創祭田晚舉鄉飲賓

嘉善楊志

錢燾字子壽士升孫恩廕中書舍人不仕鍵戶著書嘗論

晉陶潛多彭澤一出生平志尙可想見所著石語草堂

集八卷史論二卷新纂

蔣士宏字耦萬諸生疎財好施嘗代族人輸漕七百石又以千金之居贈一貧孝廉後孝廉宦成不責報好讀書無所不覽漳浦黃道周深器重之復社陳子龍夏允彝輩皆爲忘年交壬午陳入泐闈出歎曰吾分校而失蔣耦萬彭仲謀當不復論文矣老手一編不釋著麗農集

嘉善 戈志

王衍之字寧野父歿茹素終身家貧遺田數畝讓兄鬻之精岐黃術治疾輒愈不受人酬從子憬字一庵嘗遇異

嘉興府志

卷五十五 列傳六

十五

人授金丹秘旨善療人疾對坐佈烝沉疴立起嘉善 崔志

龔黃字孟循少工制義因母疾潛心岐黃濟人甚衆敦友

愛讓其宅於兩弟弟潔字楚仙敦倫好善壽九十三嘉善

戈志

曹燭字舒光諸生父以入火救親柩病廢燭日侍左右扶

持無少懈售已分產償弟負著有鈍畱齋集浙江通志 參嘉善 戈志

志

龔在明字幼霞諸生恬淡不矜榮利絕意進取撫育諸孤

姪捍禦外侮誨養幼弟在璿辛勤備至弟亦事兄如父

嘉善 崔志

蔣睿字正言憲副英子諸生力學嗜古邃于理學奉母盡色養及歿泣血三年居常恤孤寡葬露櫬賙乏繼置三黨德之著有聽鴻樓集

錢森字秋聲諸生親歿廬墓三年以敦倫立品訓子弟舉鄉飲賓壽八十二

潘師正字斐伯家貧親在淺土以麻束髮者三十餘年師事劉念臺黃石齋與陳獻可魏子一交善精醫學濟人奇中子遵字康先養庶母弟姪終其身著有脈緯等書

以上嘉善戈志

蔡浩字宗孟幼失怙嗣于從叔尋又亡明末寇盜充斥浩

嘉興府志

卷五十五

列傳六

去

扶母及弟潛匿鄉曲屢搜鋒刃以孝感獲全授徒奉養

曲盡孝道繼母失明求醫露禱踰年復明

懿行編

呂元聲字惕黼諸生父被誣羈閩奉母盡孝綜理家政父

還盡色養刻意勵行尤敦友愛舉鄉飲徐公石麟爲立

傳子逢申諸生性孝友

嘉善崔志

國朝

錢棐字子輔繼美孫八歲賦白燕詩傳誦一時登順治壬

辰進士痛從兄柵慘亡撫其孤再世無間築託園于東

郊扁舟往還足不入城市

吳志

魏允柵字交讓忠節孫廕入南雍事節母嚴盡孝病篤禱

神刺血書孝經及歿哀毀骨立茹齋十五年博極羣書
著有維風備忘鈔詩玉詩穀

嘉善
戈志

孟春和字穎儒諸生母徐早卒以亂故不知厝所稍長涕
泣不已有老嫗自遠歸謂曰吾子曾言汝母殯椿樹下
顧從軍去十年矣春和詢其狀貌歷四方求之數載遇
于泉州偕歸指殯所恐傷遺骸以手代鋤十指流血檢
一齒不獲哀號顛天以泥中得之獲全葬廬墓三年隆
冬不忍去染疾卒

浙江
通志

鍾仁字振寰性謙和敦實行故交藍縷者解衣衣之父子
祖孫相對怡怡壯者勸力善少者勸力學年八十餘舉

嘉興府志

卷五十五

列傳六

七

鄉大賓

呂三錫字命予精繁露法言諸書與錢棻徐彬臣劉芳以
文章名入闈置副榜益篤學著書家貧授徒以給授永
嘉教諭以行誼勸諸生風教一振

盛國友字賓王諸生好獎掖後進處族黨姻睦文行有過
人者以子際斯 贈如其官

王珣字子璘諸生弟璋字啟明友愛篤至性母病璘顛天
割股事珣甚恭珣好施于親友匱乏無不卹歲凶鬻產
賑濟盜起劫掠村里過珣門相戒無犯當事旌其門曰

一鄉善士

以上嘉
善楊志

錢象儀字瞻虛沉潛力學遊南雍一試不售棄去事親勤
恪父喪哀毀成疾而沒以子霞貴 贈官 嘉善 崔志

丁穎詮字茲勉諸生年十三母錢卒哭絕復甦事父鑿竭
盡色養父病刺血上神疏願減己算叩穎流血父沒廬
于墓側與弟嗣澂裔沆孝友相勸年九十卒嗣澂字集
虛諸生事父能養志父歿寢苦膺痼疾比葬冱寒斷流
匍匐冰雪中病益劇臨歿痛不終喪囑用衰絰殮嗣澂
與裔沆元旦學生甫免母殞終身哀慕令家人勿祝歲
裔沆字函巨舞勺入泮工詩文爲陳維崧盧元昌推重
康熙戊午當事欲薦舉博學宏詞以親老辭不赴事兩

兄甚恭倡葺鬻序年饑施粥又舉廣仁會備賑他若恤
貧周乏資葬助婚竭力無倦嗣澂著雪庵文存詩存裔

沆著香湖草堂集

浙江通志參
嘉善志

沈琳字玉衡諸生負異才淹博經史踐更之役獨任其勞
不分任昆季析產推腴居瘠親族里黨多所周卹晚年
好作詩著述甚富

浦之純字夔侯少工文長習經世之學交遊遍海內事父
天球盡孝父沒後舉所受分房產讓弟以敦本立學訓
子孫有豫章吟粵遊草以子文焯貴 贈官

陳華允字克讓少孤奉母程曲盡孝道與弟友愛甚篤從

兄華育少失怙恃允事之如同懷生平樂善不倦教子孫嚴而有法

蔣德學字子亢諸生值歲試聞母病馳歸例當除名不顧父大彰好施竭蹶供命父歿廬墓十餘年妹字葉景榮幼孤而貧招致教養爲諸生後卒養妹嫁三甥女子閨奇舉人力學敦行

以上嘉善戈志

孫世遠字子毅少失怙事母色養周貧乏解爭競捐田置義塚邑人頌德以子錄貴 贈官

陳五達字星瑤少孤與妻沈奉母得歡心有弟不治生產三析己資與之弟歿膳寡撫孤久而彌篤子聖奇字伯

嘉興府志

卷五十五

列傳六

九

珍重然諾好施子友夏諸生鄉飲賓

嘉善雇志

劉孝字君升與弟伯玉敦倫樂善遇親族乖和者輒爲解勸人以橫逆加怡然順受歲大祲設糜食餓者所活甚

衆舉鄉飲賓子萃藻有傳

以上嘉善崔志

盛濟英字千士事親孝養代納宗黨逋賦以恩例入成均侍郎王度欲援薦辟例堅辭歸龔在選字達可幼入泮博通經史資脩脯奉親盡孝養勵名節爲詩古文辭立

就

嘉善戈志參崔志

張邦豫字立生築九里灣塘二百五十丈建橋十三周急賑荒施帷絮置義冢重修郡邑學及縣倉廩皆有成績

孫景鉉字玉珂國子生亦助修黌序

魏文焜字孟明與弟文煥同居三十年晚始分析推肥居瘠舉鄉飲

蔣鳴西字聞九痛父明經鑑宗卒于京語及輒垂涕授徒

養母撫弱弟友愛教及門勤懇無倦容

以上嘉善崔志

陳華育少失怙母殉節死忌日必素服茹齋閉門悲泣自

少至老如一日迎養寡姊撫諸甥誨養婚娶同己子負

郭止數頃節縮贏餘以贍三黨冬授衣夏給帳施粥施

棺疾疫施藥建育嬰堂橋梁道路應修者無不捐資修

葺

浙江通志

嘉興府志

卷五十五

列傳六

三

吳勳字曰放諸生好學立品居家敦孝友見義必為舉鄉

飲賓顧以恭字公安事親色養兼至弟不善治生屢周

之又割產分授從子宗黨有急傾囊勿倦顧氏向有義

莊公復捐田二十畝暮年修族譜未就子維祚繼成焉

吳志參
懿行編

朱之榮字廉臣少孤事母孝兄炳好施與業中落推宅讓

產及卒代償所負置祖塋祭田延師課子戚黨乏膏火

者招之來學會賓興必傾橐賙貧士董率葺學宮貸錢

某屠某資入粵二人卒于外更出資扶其櫬歸築石岸

便行人舉鄉飲賓

嘉善
戈志

周隆字履綏幼失怙事父盡孝慕范文正公義莊率二弟陶陞置田二頃奉先之外以贍族姓友人金某葉某負累百金焚券更周之歲饑賑粟冬夏施襦帳以為常著有訓家恒言郡三舉鄉飲浙江通志參嘉善志

葉允升字萬山事父母家貧必極甘旨與人交然諾不欺龔在公字約茵宗黨貧乏者周卹不倦年未四十卒妻錢養親訓子克守先業

郁輝字闇卿與弟五十餘年不析產課子弟以孝友張湖字九逸幼失怙恃喪葬盡禮又獨任伯兄窀穸事舉鄉飲賓以上嘉善崔志

嘉興府志

卷五十五

列傳六

三

孫藻字芳巖孝事嫡母待寡姊妹恩義備至辛酉讓漕事持公論旗丁肆毒致疾不起子燾肇慶同知熙縣丞張履綬字紫襄州同知事親孝慷慨好義鄉黨稱之嘉善志

參褒祀編

陸應賢字耀莊少失怙恃有兩兄獨任殯葬為從子婚娶析已產與之子觀政三歲喪母善事繼母庶弟趙秉智字啟明昆弟六人獨侍養兄病割股投劑諸弟貧輒代

償其逋

嘉善志

金全璧字禹九諸生授徒以養親撫兩從子如子嘗館嘉興有屠氏二子貧而好學其父欲令服賈全璧捐館穀

周之使卒業俱補諸生年五十餘遭父喪哀慟失明卒
毛植字子建諸生少失怙母嗜橘每出必市以歸庭栽一
樹母沒攀條哀號逾年樹亦萎撫弟訓從子恩情曲摯
以上嘉善戈志

程文字天章值明季負母避亂遇盜欲加刃抱母哀求盜
釋之父宏遠日失明朝夕以舌舐復明次兄世字百芳
諸生博學工書法子孫讀書砥行朱紫字宸黼四齡失
怙母多病每夜籲天願減算益親壽嘉善崔志

孫彧字荀若諸生父爾祥與李令陳玉善令欲于北郭艮
隅建書院鑿河院東以利通邑風水就爾祥商之彧踴

嘉興府志

卷五十五

列傳六

三

躍贊爾祥捐田十畝今柳洲亭東河道是也歲饑勸募
賑濟莫令大勲官收官兌法彧贊畫居多懿行編

蔣廷棟字蒼符童時父僑寓吳間往來問視無虛月事母
曲盡愛敬家中落藉館穀以給非道義一介不取晚年
與同志唱酬門無雜交著有盟鷗集及家言百則吳志

丁璜字夏玉諸生工文善引誘後進經其指授輒登科第
去敦行嚴師範人咸欽重同學王景齡字以介諸生孝
事繼母嚴取與慎交遊與璜契嘉善戈志

陸樹本字子道國子生成童代父當糧役有與父同名罹
法者以疑似幾陷獄本挺身赴辨得免事兄愛敬撫從

子如子舉鄉飲賓從兄樹奇字正子諸生品行方正張元默字識庵待宗黨以和睦皆舉鄉飲賓子垓字宇涵以孝友稱編 懿行

孫世綸字子佩諸生七齡喪父哀痛逾成人孝事節母昆弟極友愛償族子逋賦脩學宮嘉善 戈志

龔廷鈞字肇權國子生父在明沒析居讓宅於弟母病屏息伺起居五年不怠周人急甚多博學能詩文著嶺雲賦草穀詒堂詩集吳志 參嘉善 戈志

夏照字昭遠十歲喪母慟絕復蘇後以哭父致重病弟默字謚臣諸生髫齡執親喪盡禮待昆弟暨諸從子恩義

嘉興府志 卷五十五 列傳六 三

曲至葬親時貧甚父執魏學渠致助默與兄照堅辭不受默子慥有傳編 懿行

支宏化字寅臣遊粵東蹉使知其才延之幕擘畫悉中窾要居粵久凡浙西之來客者居贈斧資沒營扶櫬授縣尹歸恤三黨匱乏葬三世墳墓生平義舉多類此嘉善 戈志

戴家理字爾齊國子生年十五侍父舟行遇盜奮身捍禦得脫赴水亦赴水掖父溯游里許獲救免性喜施濟待昆弟及諸從子尤友愛

曹爾塽字古肖少負雋才因母病精究醫理待弟六人極友愛一妹寡居畱養終身中表兩弟為其兄所不容養

諸家悉爲婚娶與弟奕雲輩俱工詩著東千小草

孫復輝字含石父籀病篤復輝療治百方憂勞成疾猶強

起侍湯藥事嫡母生母皆得歡心平生敦友誼舉廣仁

會以濟貧乏工詩文書畫以貢遊成均

以上懿行編

汪文源字聖傳父士俊病篤偕弟文瀾勤侍湯藥父沒遵

遺命同居數十年一門雍睦妻亡不再娶歲祔施糜粥

子楷字端書弱冠爲諸生讀書砥行早卒

褒祀編

孟世奇字曾唯亞聖六十四代孫諸生家貧授徒奉甘旨

弟早歿存恤其孤寡嘗鬻田代償外祖逋賦兩還遺金

嘉善
崔志

嘉興府志

卷五十五 列傳六

五

費道成字永脩州同知事繼母汪待幼弟道登曲盡心力

施予親族不倦孫銓字文衡幼失怙母病危籲天虔禱

得愈製丹藥療人冬衣夏帷捐施不倦

嘉善
崔志

曹春字涵生父疾割臂以療從子幼孤失所族人貧無以

娶皆撫恤之歲祔捐粟施糜粥代宗黨納逋賦

懿行編

朱秉義字咸中諸生事親終身孺慕親友有急輒周卹兄

秉仁歿撫其遺孤張元杰字季英父喪慟絕復蘇者再

事母孝養三十餘年母歿哀毀盡禮爲人廉謹篤同氣

嘉善
戈志
參懿行編

金文遠字鳳山有友人負千金以其貧竟焚券歲祔施糜

同里諸生江南秀字令則敦學力行亦號長者嘉善戈志

陳仁字元愷考授縣丞父華育病劇割股和劑孝事嫡母

諸母待昆弟友愛周恤三黨倡育嬰堂遇善事竭力行

之懿行編

張埴字夔典貢生父諸生元熙字淡明曾代幼弟踐更不

辭艱瘁埴事父盡孝遺妾無子事之謹戚黨匱乏者多

方伙助築陶圃於南郊隱居課子不與戶外事嘉善戈志

胡允滋字來脩康熙丙午武舉父愛客招戚友置酒肴以

娛之撫幼弟膳寡妹恩誼周摯著詩與及竹亭存稿子

然諸生能詩文李濤字符九父中風臥牀扶持不離左

嘉興府志

卷五十五

列傳六

五

右者十餘年母九十四終時濤已踰六十晝夜號慟哀

動旁人歲歉貸租晚年究心醫學嘉善戈志參懿行編

徐善建字孝標貢生幼喪父哀毀若成人事母葉色養兼

至母沒號慟嘔血數升從陸隴其學教人讀小學字義

諸書謂先識體段方可下手與馮異字漢良交最契延

課子若孫馮篤信謹守士也同里王又維字觀光貢生

授徒養親闡發性理諸書鄉黨奉為人師嘉善戈志參褒祀編

孫廷鑾字御安諸生父世偉博學嚴毅足疲不良于行鑾

出入扶持惟謹痛兄鉞早世言輒淚下子浚舉人汪士

俊字繼美少失怙母守節負疴十餘年奉事不少怠夜

扶母榻前有毒虺蟠其足久之竟無恙濟貧周乏樂善

不倦嘉善崔志
參褒祀編

劉萃字可佩諸生篤孝友撫教異母弟藻妹適夏振璜早

寡常周卹之誨幼孫成立藻字映淵諸生八齡生母病

且死抱屍哭絕母忽甦曰恍見一老人救母子皆獲全

事兄嫂如父母萃子傳彪有傳懿行編

程雄飛字雲翼考授州同知敦孝友推誠接物壯遊四方

當事折節與交居鄉力培後進惠逮嫗黨子輝祖緒祖

並授州佐靖祖崖州吏目多善政黎人不靖入洞善撫

之州賴以安嘉善
崔志

嘉興府志 卷五十五 列傳六

美

戴大用字聖萃事親色養親沒廬墓三年風晨雨夕嘔血

哀號墓傍產靈芝數本終身不御葷酒族兄患中風臥

牀三年大用代謀薪水措藥餌及沒經紀其喪姊適李

寡無子迎養于家浙江
通志

張鴻隱字柯山精岐黃父文光為毒蛇傷足成廢疾隱晨

負至堂洗瘡敷藥晚負安寢而後退數十年如一日吳志

陳泰字堯階州同知事親孝待諸母及弟和而有禮施及

三黨育嬰建橋每偕諸昆季協力從事子廷聰有傳施

達字儀吉州同知孝友好施

潘士龍字華林兄弟不析產還遺金友死出資以殮以行

善訓子郁如彥徵孫翔九雲九好施不倦置義田贍族
顧鼎恒字輔華至性篤實父向令蘆山歸宦囊蕭然恒以
脩脯奉養甘旨必備兄弟雍睦處鄉黨樂行善事子洪
憲貢生孫樹本入成均俱敦氣誼有祖父風

程錫珰字天玉母朱病劇割股作羹進教兩弟成立嘗還
遺金子法稷輩皆孝友吳承立字君植親沒哀毀泣血
每祭悲號不止

王誕錫字觀上諸生少孤事節母盡孝歲浔饑減價平糶
百餘石嘗遵母命夏施帳冬施襖累年不倦獨建太原
橋行人頌德子學洙國子生以孝謹聞

以上嘉善戈志

嘉興府志

卷五十五

列傳六

七

夏慥字非遠舉人八歲失恃盡哀如成人父沒哀毀嘔血
數升幾不起歲時必廬墓事繼母孝養母病典鬻奉參
餌衣不解帶婦陳日夕進乳於姑後慥沒子鎔尙幼從

兄學遜撫成立人多重之

浙江通志
參嘉善志

陳禮字天敘國子生父及生母皆早卒育于嫡母張禮先
意承志曲盡孝謹母沒後念輒流涕兄振諸生早卒以
子廷玉嗣撫仲兄孤孫二撫育教誨竭盡心力生平好
施予樂善不倦子廷瓚廷玉俱克家敦行

蔣兆增字寧遠憲副英孫貢生少孤力學奉母不違左右
友愛弟妹三黨中貧不能養死不能葬者盡力周卹之

敦實行無倦容妄語陸隴其稱其有儒者氣象

以上嘉善志

夏惠疇字訪陳國子生幼孤讀父書輒慟哭母歿哀毀盡

禮歲時哭諸墓年饑減糶子敘倫敘典敘九皆孝友

編

錢揆字文揆少孤事母以色養有鬻子償租卽捐所負令

贖之子鼎諸生高標字懋邨父病剜臂肉和藥家貧好

施不倦子星遠諸生孫埏廩生圻國子生皆以孝友稱

錢遴字君林母病劇割股以進侍奉祖父尤誠摯

編 哀祀

沈芳字升文養親喪葬獨任事兄嫂盡恩義族之無依者

嘉興府志

卷五十五

列傳六

五

力爲婚娶課諸子世溶輩以孝弟施樁賑饑利濟甚衆

錢嘉遇字懋錫國子生父贅于朱嘉遇事外祖父母養葬

盡禮有親黨以爭產結訟捐已田解其紛貧戚鬻女贖

而嫁之施櫬賑饑平治道路皆竭力行之子脩祺州佐

孫景澤字斐公諸生置五世祖嵐祭田改築臥龍石橋有

貧友鬻妻輸稅出貲贖還

許澄原字清遠父病剜肉作羹進獲痊復患瞽朝夕以舌

舐年餘復明訓諸弟極誠懇戚黨有急必周濟

徐雲字凌霄幼失恃事父孝待昆弟友愛弟亡撫其孤膳

兩寡姊鞠孤甥葉如珪事節母呂養葬盡禮事兄如父

兄亡撫孤三人以已財產讓之著有嶽樵閒唱

以上嘉善戈志

張廷璋字殿輝國子生父嚴毅委曲承歡長兄同眉早世

遺孤六產薄無以給率請弟讓田二頃贍恤之親戚老

而無依者竭力以養錢永懋字茂公父早世孝奉母四

十年逢父忌辰杜門以泣母病祈代及歿哀痛成疾踵

逝

嘉善戈志
參褒祀編

孫肇勳字乃賡父赴公車母染疴危篤肇勳以髫齡奉侍

觸暑求醫夜則露禱北辰母愈而已病日深猶強起供

子職竟以勞瘁死

浙江通志

陳寶硯字大爲國子生龍正孫父病危百計以療後沒喪

嘉興府志

卷五十五

列傳六

五

葬獨任妻母凌苦節敬事勿怠產不及中人周恤弟姪

勿懈錢象坤字孝咳士升曾孫貢太學母病累年跬步

不離晨夕禱神獲痊性好學著有楚江雜咏

周陞字御掄廩貢選訓導幼孤事母孝與兩兄隆陶友愛

偕置墓田戚有貧乏者慨然贖之遇事侃侃無回互工

文善行楷書

陸在選字子銓父歿哀毀骨立七世祖邨長房子姓貧乏

祭祀墳糧在選爲代任每歲製蚊帳絮衣周閭里子鈺

鍾授州佐陸宏倫字聖爲伯父遭無妄宏力爲辯釋賑

貧恤孤子廷魁字聚拱捐資脩學助建育嬰堂歲饑倡

捐賑

閔國琦字仲韓先賢子騫裔事親孝祖遺房產悉讓諸弟代族人完逋糧百餘金次子殿勳亦好善

李天機字宸樞國子生母疾奉侍百日嘔血成疾不數月亡顧惟祚字裕伯諸生幼喪母哭泣盡禮父以恭欲輯家乘未果祚承父志編纂捐刻戚黨有貸無償者折券不索

林昇字紫萼諸生母歿幾不勝喪家好施濟子光早歲食餼陸鳳章字榮錫諸生父文韜有疾籲天求代歿極哀毀臨試間庶母疾篤亟歸後以慈母報艱一如所生

嘉興府志

卷五十五

列傳六

三

李天植字坤儀諸生歲祲濟貧賑饑全活甚衆子文煥諸生陳涵德字方廷幼喪父事節母純孝外兄任某貧甚招至家生養十餘年卒爲營葬買金姓女諗爲舊家還之不索價建南星橋人便之子作霖作楫作梅俱克承父學

陳志字爾士國子生十齡失怙事母得歡心遇忌辰流涕祖塋爲人侵削捐金復故壤建宗祠撫兄遺孤置產擇配蔣閻範字言如弟閑正早卒撫其四子成立復割產與之事兄閻奇事必稟命建康濟南星橋及掩骼育嬰皆竭力爲之

曹烱字抒煌考授州同知幼喪父母哀毀如成人稍長營葬三代捐產建祠兄子早世一孫出繼他姓烱使歸宗授以產有穿窬入室隣人也贈以脫粟曲爲化導感泣去孫鐔字漢堅五齡而孤每讀父書哀慟欲絕母蔣病割股療焉子澧邦泰能承家學

錢以坊字禮存貢生長兄以增宦遊仲叔相繼逝以坊獨勤色養依依孺慕究心理學持躬端謹脩學築堤諸善舉殫力從事疾革之日邑中無論識與不識咸歎息悲悼

黃鳳翔字子羽里中捐賑修學皆爭先倡子鍾太平知府

嘉興府志

卷五十五

列傳六

三

孫治安候補知府曾孫興仁刑部郎中俱克守先訓龔銘益字襄夏大令在升子授州吏目父終通山官署聞訃哀毀幾絕母病呼天割腕

張王錫字季勇國子生七齡時父患疽吮吸而愈年十四母病拜禱北辰歿後哀毀骨立依母柩三載不離受兄王典訓事如父王錫早世妻吳氏守節盡孝敦婦道

嘉善
戈志

以上

張騫字駕六父恒施年八十有八隆冬露頂遊市騫力供甘旨外日奉百錢以資奕戲仲弟爲翁鍾愛生給日用沒則厚殮以慰親心

哀祀
編

陸自誠字西上力耕養親具酒食邀賓娛父母病瞽舐之
復明親相繼沒築墳舍傍朝夕省視除喪猶飯蔬茹菜
以積哀致疾卒李雲鵬字松庵母病目幾瞽舐五旬而
愈懿行編
參戈志
任王仁字博含少孤母吳撫教成立好施予倡建育嬰堂
全活甚衆臨沒時惟以育嬰事囑同人無一語及家事
張墀字形九國子生十齡後兩親踵逝哀毀如成人事
繼母曲意承歡姊早寡撫其孤歲饑減價賤糶富者從
之市價立平

陳廷聰字臨先考授州判母喪哀毀致疾卒好爲善修橋

嘉興府志

卷五十五

列傳六

三

施絮樛尤敦族誼子啟昂撰州佐屠許昌字文侯諸生
父病割臂和藥以進家貧積館穀爲弟娶婦終身不析
爨

張翼字蜚仲諸生八歲喪母哭踊如禮事繼母盡子職父
病篤同妻陸奉湯藥寒暑無間析產以腴讓兄著嶺雲
集禹貢刪略子增生泰安校刻行世

郁璿字象中國子生父之萼病篤籲天祈代得瘳李令天
桂漕米浥爛首捐金助舅氏曹貧不克葬爲擇地安厝
他若賑恤親族歲饑賑濟皆力行之

汪文澗字聖容國子生遵父遺命與兄文源終身同爨妹

適吳貧屢周卹歿爲營葬鄉黨搆訟殫力勸解泮饑賑粟七百餘家

薛靖字四其國子生遭父喪偕弟奇哀毀盡禮歲歉煮粥以濟侍母疾酷暑終夜不寢蚊蟲嚙體無倦怠奇字四表亦仁慈好善與兄刻勸善書行世

王濤字見平武進士康熙十三年隨征福建授遊擊以勞歿於行間能詩工書不苟然諾子醇業諸生力學修行朱紫佩字懷玉事母盡子職有諸某負銀願以女爲婢佩念其母久病賴女扶持義不納卽焚券王朝佐字大瀛髻齡割股療母疾及長言動不苟嘗拒奔女于客邸撫

嘉興府志

卷五十五

列傳六

三

育弟妹雖食貧好周卹

馮肇元字漢英國子生事繼母孝二姊俱貧兒女婚嫁力任之鄰里告急無不應課次子玟爲諸生頃逢熾字映南父病竭力以事棄產助育嬰遇善事爲之如不及

嘉善

戈志

魏儒燾字荀仲大中曾孫諸生性孝幼喪母哀痛如成人長從陸隴其遊講求性命之學得其傳父病衣不解帶者累月及卒哀毀嘔血幾滅性廬墓三年及卒門人私諡正孝著有詩文集柳洲詩義選

沈應霞字旭青諸生事親終身孺慕妹寡周卹備至歲與

同志貯米年饑出以賑濟子鱗成進士由邑令遷州牧時以清廉慈厚爲勛卒祀鄉賢

蔣兆昌字靜遠幼孤孝事母與兄兆增不析箸兄沒分產兄子三兆昌子一四分之朱檢討彝尊祝其母壽文有曰目不覩嬉戲之具耳不聞饒哇之音長而學成士林稱領袖指兆昌兄弟也子學原克承家教

錢佳字平衡士升元孫諸生父沒哀毀事後母得歡心娶曹氏爲陸清獻女甥佳親炙清獻言論身體而力行之邑有義舉罔不殫力贊襄晚刻相國遺集輯嘉善形勢說又與丁廷烺輯魏塘詩陳著臨谷詩鈔子二源來有

嘉興府志

卷五十五

列傳六

三

傳浩充貢生有才工詩文

徐育和字靜初國子生性真率周卹羸厄雖家落未嘗責報晚尤嗜學手鈔書盈數尺著有心友齋稿子燾熙天諸生少遊桑張甫門務根柢之學著有夢花軒草

孫曰櫿字蘭臯國子生髫齡失恃事父孝父卒極哀葬有日矣日者謂支干不利于己曰櫿泣曰世安有求利己而遲親之葬者如期卒無恙

姚廷訓字殿倫國子生邑有義舉無不與尤敦族誼貧不能婚嫁者必量助之生養死葬皆有所卹年踰耄耄五世一堂乾隆四十九年

恩給聖世瑞徵額表其間

黃漢字學海諸生嘗慕高宗憲陳幾亭同善會義舉與其弟泳倡舉于楓涇之鎮北後置館于鎮南之務前坊泳牒請兩省當事不避寒暑苦口勸輸會事克成濟者甚衆

張身浩字史傳由明經歷任義烏教諭善事父母友愛昆弟所至以正文教端士習爲己任時值邪教婁得星等滋事民惶急欲避身浩曉以大義勉爲守禦著有松鱗書屋學吟草

孫燦本名煌字象三幼失恃事繼母如嫡繼母病目不交

嘉興府志

卷五十五

列傳六

三

曉藥不嘗不進及卒如居父喪嘗舉陸清獻與族姪書誠子弟敝衣糲食安之晏知戚友有急輒傾身赴之蓄書數千卷披誦不倦著有尙書要義學古彙編自省編朱承勲字書常性樂施與邑有育嬰堂需用日繁承勲前後捐貲五百金至若敦族睦姻振窮恤寡罔不竭力其祖廷策號彝庵負奇才值明季不遇著萃遊草及家訓一編勲終身服膺不失

程國珍字方貢秀監生幼孤力學能文章事母先意承志思以祿養援例授縣丞未及服官而卒性好施與人以緩急告百計以應工繪事錢觀察元昌張徵士庚極口

漢賞以子維岳貴 贈官

周旣濟字協均乾隆癸酉與從子鼎樞升桓同舉鄉試甲戌登明通榜當得官以兩兄皆仕親老奉養二十年選慈溪教諭以經術行誼教士子却饋遺捐俸建文昌閣及廊廡齋舍在任五年卒

孫業字廣勤諸生生有至性早喪父善事母母卒慟幾絕因已爲叔後格于制乃服衰期月飯蔬食衣墨終三年著有周易集粹十二卷

吳本禮字禹門孝友樂善建宗祠置祭產友戚困乏者周之買一女後知爲良家子視若己女爲擇士族嫁之

嘉興府志

卷五十五 列傳六

美

孫灃字遷穆國子生事父母盡孝與弟友愛嘗兩次疏濬城河灃董其事子樹珠貢生敦倫力學有祖父風

吳燦字錦川少有至性父梓禮中暑疾革思瓜及橄欖醫禁弗與及卒唇齒焦灼燦終身見二物輒愴然淚下撫甥成立擇配授產有衣冠後將鬻女卹其家鎮有同善會幾廢設法經理二十餘年

魏爲樽字虛受家貧不爲利動妹壻朱一蜚爲山西布政郵書招之往旅次有客以事干囊白金爲壽怒却之後一蜚被議法當籍直隸制府方觀承馳書浙大吏曰無累廉士魏某蓋方知爲樽却金事也

王國鼎字安九國子生少孤事母孝從子廷相字端書誠樸有古風歲饑共設粥食餓者至半月餘里有迎秀橋歲久傾圮捐貲改建不煩閭里因呼爲王家橋

沈韶字師夔貢生性肫篤工詩文父捷爲讐誣陷罪且不測韶歷控莫伸康熙四十五年

聖祖南巡韶具表叩

閭願以身代父抵罪

聖祖嘉其孝飭撫臣竟赦不問韶工詩長洲殷銘選入魏里詩存

徐正誼字方子諸生天性淳固執親喪寢苦不脫衰經卒

嘉興府志

卷五十五

列傳六

七

哭乃啜蔬食三年不進蔬果免喪後不衣裘帛者十年乾隆初州郡舉孝廉方正邑人以正誼應辭不就

程緒祖字纘三諸生性敏嗜學家中落父命投筆覓衣食依依不忍去時其子鍾彥已長父慰諭再四乃行服賈盡孝養有弟沒于崖州間關萬里扶櫬歸後鍾彥歷清要緒祖杜門陳故策課幼子及孫不問家事壽至一百又三歲乾隆三十六年

欽旌昇平人瑞給帑建坊

錢鏊字茂泰以塏嗣子性端謹雍正己酉

欽賜舉人授中書家不中貲人有緩急輒解囊助起補內閣中

書旋因本生母年老乞歸著有息廬詩文鈔

蔣銓字山衡諸生敦孝悌母病篤割股以愈父卒哀毀嘔

血幾絕弟析產後家落銓以已產讓之學政劉公瓌之

旌其堂曰重品彝倫以上新纂

文苑

明

周鼎字伯器博極經史正統中征閩寇沐陽伯金忠辟置

幕下議進取方略嘗與千戶龔遂奇從數騎入尤溪山

寨降其衆而還授沭陽典史罷官遨遊三吳賣文爲活

吳中墓誌譜牒皆出其手年十九修杭州府志燈下書

嘉興府志

卷五十五

列傳六

美

蠅頭字界畫信手不折紙爲範門人最有名者松陵史

鑑用柳文例志其墓曰桐村繭室

姚綸字允言本姓卞才思高邁爲詩清麗書法規摹晉人

隱居教授有夢草集孫翼亦以詩名有桂巖集元孫瑞

哀綸及翼集合刻之爲雙璧曾孫諶復姓卞有傳以上嘉禾

徵獻錄

湯滌字新之以進士爲清豐尹恥干謁臺使聞其能詩命

賦有半明半晦雲間月如有如無夢裏官之句臺使疑

其隱諷湯謝曰此滌自輕其官也取印綬置案指而出

著有思庵雜稿

浙江通志參嘉善楊志

周澤字天雨博學有才爲文清婉詩亦工不多作每一言
出人膾炙之成化癸卯鄉薦第一登進士累官福建同

知轉贛州卒 兩浙名賢錄

郁衮字九章改名天民博學善詩文纂靖難盡心錄子敦

易自號斗野山人有言志稿 樵李詩繫

沈燭字士明弱冠舉于鄉閉戶手一編與弟炤相師友詩

文根本理學佐以韓蘇不事雕繪書法道勁似米南宮

著石聯遺稿 兩浙名賢錄

郁應元字槐泉學于從父衮嘉靖甲子舉于鄉計偕遇歸

有光遂訂交知黟縣令砥勵清節邑健于訟溫言勸諭

嘉興府志 卷五十五 列傳六 三

訟日簡公餘吟咏不輟未幾歸與歸子慕吳志遠講學

荻秋著有北征草南遊雜編

馮盛世字念羅選貢工詩文歲禮作救荒書致邑宰用其

議民大有濟授福建鎮海縣訓導著有桑榆館集 以上嘉善

楊志

許明字子遠與高攀龍吳志遠歸子慕遊文章行誼爲一

時推重家貧嘗絕糧處之泰然惟以著述爲樂于術數

書靡不研究有地理傳心集行世 嘉善崔志

王周號質齋嘉靖諸生有別業於鴈湖之側稱鴈湖釣叟

著自在吟二卷顧珊字子聲諸生馮科教諭與周同時

皆能詩

沈大奎字子聚萬歷初明經官教授有澹滄集盛時龍字

雲將諸生有天選篇北游雜咏二刻

以上橋李詩繫

卞洪勳字太華稽勳錫子性嗜學早歲入成均官東鄉主

簿歸以道誼自持著有漱石居集同時有周珍沈璋沈

槃姚懋勳沈嘉賓顧忱皆能詩

靜志居詩話參橋李詩繫

孫茂芝字若英幼失怙事母極孝天啟辛酉以副榜入太

學晚謁選為沔陽同知有循譽見時事日非即請解職

曰我不能以塵案易硯枰也所著有讀經疑離騷釋硯

枰齋遺稿新纂

嘉興府志

卷五十五

列傳六

四

朱廷旦字爾兼以貢入成均遇幸學上書不報中應天副

榜著有警枕集擣堅錄廣友論數花軒雜俎

陳山毓字賁聞于王子戊午鄉試第一為文長于騷賦精

思苦吟寒暑無間中歲有嘔血疾讀書不輟作自祭文

極曠達之槩卒年三十八弟龍正集其文以傳私諡靖

質以上嘉禾徵獻錄

郁泰徵字參吾父耀宗泰徵為諸生性孝友父歿躄踊廢

書享薦必哭從子之章少孤有家難竭力護持平生沉

酣經史多著述有松筠堂詩文稿袁志

孫文鋒字韞玉戴叔遠字元邇同結文社皆以貢為學博

文鋒選昌化以病歸卒叔遠為象山訓導聞文鋒死歸
憑棺痛哭嘔血以殞嘉善楊志

支如玉字寧瑕大綸子萬歷庚子舉人官監丞有半衲集

弟如增與京山李維禎華亭陳繼儒無錫鄒之麟為文

學交嘗上書岳元聲陳朝政五條勉以格君又貽書賀

燦然謂駁永陵之非且詰其毀父中崇禎庚午副榜作

謝棘闈賦著有硯亭小品濡削叢笈樵李詩繫參袁志

倪煌字令倩國子生有小宛集弟點亦以詩著名邱遂字

叔遂初為僧後反儒服為諸生有邱叔遂詩草靜志居詩話參

樵李詩繫

嘉興府志 卷五十五 列傳六

聖

凌斗垣字麗天屢試棘闈不售閉戶著書著有樹杪閣集

孫如升如恒皆能文王時杰字百凡少遊魏大中門詩

文在大歷元和間蔣睿字正言副憲英子雅慕高蹈遇

佳山水流連不忍去有聽鴻樓集嘉善楊志參樵李詩繫

夏緇字雪子初字幼青天啟間諸生有西冷維摩孤望三

集其詩早務纖艷晚趨空淡南中夢遊諸作奧削蒼涼

點染特妙絕句尤多風調有竹枝縹緲之音王佐字佐

之崇禎辛未進士休寧令工詩

錢繼振字爾玉繼登仲弟兄遭誣就訊徒步數千里周旋

北寺嘗與郁之章輩結柳洲詩社晚歲築室曰鷗旅以

老有蕭齋集西園日箋弟繼章字爾斐崇禎丙子舉人
孝友力學鈎纂甚富晚築谿默園綴石蒔花垂老不倦
著有逸民遺風詩雪堂自刪集

孫聖蘭字子操崇禎癸未進士遭亂不仕隱居三十年有

曉傳堂集長溪詩話以上橋李詩繫

陳奇字達可貢生嘗受學于徐石麒嚴介抗俗為文力宗

大雅處姻黨賙恤備至閉戶課子授學博不就著有淡

思集橋李詩繫參嘉善楊志

錢熙字漱廣梅子諸生少負雋才詩學漢魏初唐梅性豪

逸絲竹滿堂熙焚香披誦如無覩聞有思存集弟黠字

嘉興府志

卷五十五 列傳六

三

鑒濤早歿有百可堂詩橋李詩繫

曹谿字涇仙原籍華亭弱冠補諸生後棄去坐臥一小樓

貯法書名畫中設陶靖節像曰朝夕與此老對如置身

桃源中矣著有花嘯谷音二集嘉善楊志

劉芳字墨仙有清喚齋集倪撫字曼倩與錢棟唱和崇禎

間諸生

李樾字子方奇珍子恬淡不樂仕進殫心經史至老彌篤

著雨花齋集樂律解以上橋李詩繫

呂諧字皆言從子洪聲字公亮俱負奇博學一時稱為二

呂諧登崇禎壬午鄉書洪聲早卒有詩文遺稿嘉善戈志

盛于焯字犀然諸生好古博覽性恬淡閉戶隱居悠然古處有孤嘯集吳志

吳祖錫字稽田諸生敦氣誼廣交遊中年淡泊寡營幅巾野服作向平五嶽遊卒于濟南子濩字于東有先友詩

一卷胥朱臣字清遠諸生絕意進取遊四方垂二十餘年所著遊草及讀史鏡蕉牕隨筆數十卷吳志參嘉善崔志

支紹昌字克齋如玉孫諸生高尚不慕仕進老屋數椽面文水顏曰竹所讀書處禁足不出垂四十年性篤孝友

膳寡姊撫孤姪式罔與兄紹熹白首相愛嘉善志戴孝字子華工詩喜讀史與人言忠孝廉節娓娓不倦錢

嘉興府志

卷五十五

列傳六

聖

華字萃露諸生授徒講學尤邃于易郁素字繪先諸生力學能文善談論風致不減晉人

駱雲程字天遊放浪詩酒山水有素券堂集卒年九十餘陸龍光字貫揚顧之鑑字念亭俱工詩善書法以上吳志參嘉

善戈志

沈煌字大文明季文弊競獵六朝浮艷煌昌明程朱之學負笈者三百餘人順治甲午選貢不仕有宏益堂稿李

詩繫

夏允懷字季思貢生早歲能文與允彝為鴈行稱二夏行已方正嘗館一巨室坐構覺幾殆允懷悉力捍衛全其

幼孤著有尙書句解歷代史斷吳志

國朝

曹爾坊字子閑勲仲子髫年應試宿儒不能及工詩並善繪事子鑑倫有傳

蔣玉立字辛彥少從張溥遊順治甲午拔貢父有疾夜不解帶廁踰必躬浣詩文峭厲力追正始有泰茹堂集弟椽一名玉章字禹書九歲能詩順治辛卯副貢不得志卒著有三徑草靈威集以上橋李詩繫參嘉善楊志

孫在鎬字西自與從弟鏹同受業于徐遠遠歎曰老生避三舍矣弱冠登賢書下帷蕭寺識緯星官奇門周髀之

嘉興府志

卷五十五

列傳六

四

學靡不殫究薛昌字光尊諸生詩古文有江鮑淹通之目

孫鏹字長清貫穿經史豪飲能盡一石與人交無面諛背毀錄先儒座右銘自警家庭雍睦著有鄂鞞樓稿

陳增新字子更順治戊子舉人工詩古文搖筆苦吟得句輒欣然喜謁選授安仁令革火耗寬刑罰邑人德之祀

名宦以上嘉善楊志

魏允枚字卜臣學濂子順治戊子舉人授西安教諭未仕卒著有詩集六卷弟允札字州來允植字虎臣允札諸生博覽典籍詩文直逼兩宋著東齋集允桓事兄如嚴

父侍母湯藥至于嘔血百家之書無不瀏覽為文風發
泉湧時稱其兄弟文章行誼不愧名父之子

善楊志

構李詩繫
參吳志嘉

計善字廉伯元勳孫潛心理學事母極孝家貧竭力奉甘

旨撫幼弟體恤無不到博極羣書有古文雜著百餘卷

弟五人能敬正法辨才名與兄埒時稱為六計

嘉善楊志

陳秉字夏臣龍正孫順治辛卯舉人父歿以哀毀寢瘵天

馮運隆字昌言盛典孫弱冠與秉同舉鄉榜馮母山毓

女秉從姑三黨中同學同榜同深于詩古文詞而同天

折人惜之

構李詩繫參
嘉善楊志

嘉興府志

卷五十五 列傳六

墨

陳舜薦字羽格諸生卜居郭外種梅百本構小軒曰亭玉

著書其中以老沈湛字淵伯諸生善古文辭傍舍有五

柳因以名其所居為五柳村著有易伸及貽安錄

嘉善楊志

參崔志

支隆求字武侯與兄景良字雷侯皆工詩隆求舉順治庚

子第二授遂安教諭以文行勛士擢山東沂水令多惠

績致政歸著書講學有泊庵集

嘉善戈志

毛蕃字穉賓少與弟正學字羲上楠字讓木博學工文稱

毛氏三俊蕃副貢正學楠諸生高才困場屋以經術授

徒蕃子灃正學子璐楠子永圖皆以能文世其家

吳志

葉翹字楚若少擅才名選貢授昌樂令潔已愛民捐俸倡修學宮歸里後閉戶著書支揆英字會侯任乳源知縣支孔願字功禹選桐廬教諭陶憐字冰修辛卯舉人天台學博皆卓然文行之儒與翹交契

沈受祺字獻吉諸生通敏有經濟才與楊廷樞錢禧輩同學知縣莫大勲欲行均田役官收官兌法祺條議贊成爲清賦平役新書上之臺省頒爲定例所居北山草堂九松皆宋元遺植徜徉嘯咏爲樂著有五韻便覽詩餘圖譜

李煒字赤茂誦生研窮經史爲時輩折服晚益肆力于古

嘉興府志

卷五十五

列傳六

吳

陰符握奇無不研究子光堯應機皆師陸隴其稱高弟

人號二難光堯有吳梅村詩集註

以上吳志參嘉善戈志

毛正學字羲上諸生研精理學與陸隴其張履祥友善事

親盡孝父疾籲天求代值歲饑鬻產以賑尤好汲引後

進

懿行編參嘉善戈志

周振璜字渭陽貢生弟振瑗字蘧玉甲辰進士山西安邑

令季弟珂字越石貢生文章行誼一家自相師友門多

負笈兄弟俱工詩振璜尤工書法

吳志

馮瀛秀字青掄丁酉舉人爲文整飭兼工書畫淡進取杜

門課子清介越俗有散仙子稿

嘉善戈志

顧鏌字聖修諸生事親孝撫兩弟恩義兼盡著四書辨疑
禹貢廣註及百穀堂詩文集以子衍貴 贈官 吳志

錢煥字蔚宗楞次子少孤力學爲名諸生與兄炯稱二難
泛覽百家纂輯古人嘉言懿行母毛有心疾事之謹嘗

修學宮置墓田著續最樂編息深齋集炯字尙子諸生
博學性耿介授經自給非其力不食 吳志參嘉善戈志

陸淮字秀壑諸生爲文根柢至性盡削浮華又有孫蕃字
天毓諸生勵志攻苦詩古文以作者自命 嘉善崔志

郁袞字子弁以貢官江西永豐令有詩偶一卷蔣雲翼本
名會貞字鳴大順治甲午舉人任江南涇縣知縣王辰

嘉興府志

卷五十五

列傳六

七

字天市順治庚子舉人任直隸保定府經歷皆能詩

顧艾字病已周宏藻字丙仲徐之陵字子京陳學謙字庭

益皆長於詩張逸字泰庵精岐黃術善琴工詩畫有日

休堂詩陸淮字秀整諸生少孤事母以孝聞曹禎驥字

觀機有握蘭軒詩曹爾垣字彥師勳第四子戈元穎字

長鳴兩人工古文皆早世陳昌字漢彬龍正孫以貢授

雲和訓導克守家業

柯崇樸字寓瓠副貢工詩古文辭弟宏本字聿修十歲通

五經入太學試不遇早卒有鼓應初編維楨字翰周舉

人有澄煙閣詩與樸同舉博學鴻辭丁外艱不與試季

弟用楫亦博瞻工詩宏本子炳字煒昭長洲汪琬謂其
沉靜爽拔兼而有之早卒有蘭唐集以上樵
李詩繫

曹鑑平字掌公舉人汎濫六籍入古人閭奧詩文流播人
口弟鑑章字達夫善承家學令萬載有惠績子源邵拔

貢兩任縣令吳志參嘉
善戈志

曹鑑徵字徵之貌寢偏眇不修飾所交必奇士與南粵朱
斐北平韓畱善門有橡樹中庭有紅杏客至多咏其側
偶移石廢二指遂病狂不憤不履行於市數年死其集
曰紅藥園白石樓

李炳字令文煒弟諸生沈志高字幼升吳大震字子濤任

嘉興府志

卷五十五

列傳六

吳

星客字右宸皆工詩星客兼工畫蘭蔣禹錫字尙陶少
罹患難而有冲愉之色隱居著書以樂其志有榆村集

以上樵
李詩繫

王國珍字席之諸生九歲能文與潘炳字顧巖沈志高結
詩社名流畢集極一時之盛著有南雅堂詩文集弟份

字季隆舉人攻苦力學為時輩推重吳志參嘉
善崔志

張芷字佩方苗弟性嗜學讀書常達旦母愛之甚不令攻
苦芷匿火甕中候母熟寢始出火以讀竟以勞卒嘉善
崔志

褚偉字駿如勤苦嗜學從子茂章字昭質力學如偉張鶴
書字隴士諸生詩文折服流輩弟辰字北是與鶴書齊

名邑中目爲二張

嘉善崔志參
橋李詩繫

葉鈇字潛夫繼美孫諸生事親盡色養親沒廬墓日誦孝經數千過著有孝經註疏大全小學衍義續小學人譜大全諸書子汝謨校刻行世

孫滂字磨公少受業張溥博覽羣書每歲手錄一編積成卷帙題曰類考卒無子及門醵金以葬

以上嘉善戈志

王之圻字肇城熟先秦兩漢諸書詩宗漢魏初盛唐性坦易不作欺人語年未強仕卒妻郁氏撫三歲孤成立邑人重之

葉簡字夢在弱冠食餼通經史百家孝友不事私蓄疾革

嘉興府志

卷五十五

列傳六

吳

取五經朗誦一過而逝

以上嘉善崔志

丁樞臣字子衡貢生理學一本朱子爲人慎言謹行繩檢秩然善屬文兼工書法著有恒齋遺集

嘉善戈志

陳謀道字心微龍正孫諸生工小令得南宋風致王尙書士禎選入倚聲集稱其數枝紅杏斜陽句勝于宋子京人稱爲紅杏秀才著有百尺樓稿從弟哲詢字懷季工近體詩書得二王法同學魏世基字野臣朱得琬字宛

玉皆博學能文早卒

嘉善戈志
參崔志

孫琮字執升諸生性孝友兄因累毀家琮授徒養親親亡獨營喪葬仍養其兄所居山曉閣喬木皆數百年物藏

書萬卷丹黃點勘每評選一書出輒為紙貴晚歲放跡
名山笠屐所到悉見于詩著有山曉閣詩文集

嘉善
戈志

葉汝詵字廣基早孤事母孝康熙戊午發解淡仕進日以
著述為事晚得痼疾歛枕手一編季子廷棫字季樞諸
生工文沉潛經學侍父疾十餘年無少怠

吳志參嘉
善戈志

顧秉堅字雲一際明曾孫嗜學無書不讀為文刻深力追
古作者中丁卯鄉舉授會稽教諭修黌序補祭器有居
民十八家佔學基請于郡守復故址教士子以正心術
立人品為本歿祀名宦著有詩文八卷

徐鵬字培青以諸生入太學少孤事母得歡心撫育兩弟

嘉興府志 卷五十五 列傳六 五

遺產悉授之詩文縱橫排宕迥異恒徑著有修廬草露

蟬吟二集

以上嘉
善戈志

魏坤字禹平父文煌能文稱隱君子坤弱冠善詩古文辭
遊京師就試國學撰石鼓賦國子師擊賞以為絕倫晚
舉于鄉不仕卒坤持已正臨財廉其學叩之不窮著有

倚晴閣詩鈔水邨琴趨

吳志參嘉
善戈志

孫序皇字子黃甫成童父謀以誣下獄請身代寃乃得白
長工文沉酣典冊夜讀燈不燼不止感疾卒同學王廷
標字史名撫諸弟極懇摯行文豪邁有俯視一切之槩

嘉善
崔志

李葵生字西雯弱冠通經史百家作古今文下筆立就與
同學胡應宸字殿陳顧璟芳字宋梅同選蘭皋詞葵生

又著四書存是編嘉善
戈志

錢士壯字大輿繼登嗣子貢生事兄士賁極敬愛讓產分

宅兼恤其孤為文高雅秀潔詩詞亦有家法有佩璐軒

詞行世士賁字燭巖怡情詩酒有晉人風致懿行編參
檇李詩繫

孫之湛字又尚諸生家貧授徒修脯悉以奉親母蔡臥疾

侍牀褥五載無倦色長史學論說古今成敗得失洞悉

元本懿行
編

李文祺字鶴君幼從舅氏陳鉞學鉞字雲銘文行為魏徵

嘉興府志 卷五十五 列傳六 至

士禧朱檢討彝尊所重後又從丁進士棠發遊何焯愛

其文嘗曰浙西名士當以鶴君為第一己卯舉省元不

仕卒著有河干詩草

沈育字沛蒼受庭訓不由師傳事父盡孝養待弟盈科友

愛時周其匱乏舉丙子鄉試授河南永寧令惠民造士

風流令行歸田後杜門著述詩文益進有槃邨集數十

卷

曹源郁字錦含弱冠中副榜所居東園有亭池竹石之勝

聚書遊息其中薦舉孝廉方正以親老辭選慶元學博

邑界山僻無藏書家郵載家所蓄書親為指授踰年卒

著有宸翰堂稿東園叟雜纂子廷棟廷樞有傳以上嘉善志

劉傳彪字炳千諸生好學通經傳事親孝居喪哀毀逾禮

叔歿撫從弟成立著近思堂文稿子學謙諸生能文敦

行懿行編

陸光斗字樞升諸生少穎異博綜掌故兵農禮樂無不研

晰原委嘉善志

朱岸登字蹈勇父之榮仗義好施岸登八歲能屬文舉丙

子順天鄉試通經史百家言所著詩文詞傳誦人口有

獲古堂文稿以子一蜚貴 贈官吳志參嘉善志

孟學中字心陶諸生家貧授徒自給有餘輒分以濟人秀

嘉興府志 卷五十五 列傳六 五

水曹侍郎溶延課諸孫得讀其藏書教人有法度嘗言

庸醫殺人止一身庸師悞人及數世著有易解大義嘉善志

戈志

沈廷楨字端揆貢生勤學工文性孝不離親側事兄雖異

居必晨夕視候子望熊元勳俱諸生陳原字遠岑諸生

家貧以脩脯奉親待兄弟友愛甚篤兄早世撫孤成立

以己產讓之懿行編參嘉善志

錢諒臣字逸宣諸生工詩文通岐黃術尤精六壬著有霽

堂詩草子元登傳父學同時蔡鴻達字去聞潔己力學

工行楷馮眺字孖奇貢生詩文書法皆得古人意著有

蟬嘶諸集從子煒字丹霞諸生能詩及駢體尤精于醫

吳志參嘉善戈志

蔣光祖字岵民蒔子以諸生遊北雍爲馮大司成元濟沈文恪荃推重歸不得志惟以著述自娛刻有周易翼義杜陵綺語工書法子如壘承家學亦以能書名

蔡煒字亦袁歲貢選臨海訓導邑有明季司李鑿後山寨南門士風不振煒請復舊制設齋督課文教復興以勞勩卒于官平居孝謹善屬文著有易憲霞城偶草

陳喆倫字安讓龍正孫諸生性狷介授徒自給晚退處先祠老屋數椽吟咏不輟有慎微堂詩稿吳江葉燮謂其

嘉興府志

卷五十五

列傳六

五

筆意在林逋魏野間

蔣向皋字迪思諸生精于春秋四傳遊齊晉楚豫閩蜀足跡半天下題咏甚富著無是園稿

沈嘉字善長拔貢入太學有文名郁世颺字廷皋之章孫諸生文豪邁有奇氣與李永祺齊名稱郁李遊太學卒于旅邸陸紹先字歐亭善屬文兼工詩餘癸卯舉人貧不能赴禮部試齋志歿

孫炯字奎章貢生著有華黍莊集秋水集柳洲詩錢暉字子明明相國士升孫諸生詩出入錢劉王孟間著有柳樊遺草

唐虞字協聞諸生力學敦品槩受其教者皆優于文行性孝友色養六十餘年晚喜作詩著有萃谿集以上嘉善戈志

徐之麟又名本潤字白峯骨格清雅為名流折節少工畫及遊粵西歸觀湘南山水奇勝筆法益進詩尤瀟灑絕

俗徐岳字季方博綜經史好遊褐衣芒履歷嵩岱武夷峩眉諸名勝足跡半海內晚年結廬斜塘著有見聞錄

吳志參嘉善戈志

曹奕霞字哲庭究心經史百氏弱冠遊京師以雙劍歌著名康熙乙酉

召試賦白杜鵑花詩稱

嘉興府志

卷五十五

列傳六

番

旨雍正甲寅舉博學宏詞以老疾辭不就

丁桂芳字筠溪清惠賓孫貢生肆力於古所居素園有林

泉之勝構讀書樓圖書碑板積累充棟著有方谷詩鈔

二十卷晚號知白居士曾孫秉銓字掌卿諸生負才工

詩著有帝王名臣世系考

錢元祐字星階康熙甲子舉人任富陽教諭歲大饑上官

捐俸買米佐賑邑書役通同乾沒元祐發其事吐所蝕

米散給災黎全活甚衆後遷金華府教諭秩滿陞國子

監監丞有起雲堂詩春江詩鈔

章愷字惇虞讀書五行俱下與青芝山人陳唐善山人多

蓄書愷就觀之手披筆書汗雨下蠅螭交集不暇一拂
拭乙丑以二甲第一入翰林乞假歸所著有北亭集詩
賦雜文瑣語

曹庭棟號六圃貢生舉孝廉方正不就絕意仕進杜門著
述四十餘年成書十餘種奉

詔廣搜書籍浙之大吏採訪進呈如宋百家詩存產鶴亭集俱
入四庫館登之著錄工草隸善寫蘭竹以風雅引掖後
進晚年請業益衆壽八十七卒弟廷樞字古謙副貢與
廷棟分纂經義異同辨會舉鴻博報罷補宗學教習卒
京邸著有謙齋詩稿

嘉興府志

卷五十五

列傳六

五

支期立七世孫字品山貢生幼敏里黨稱爲小五經著有
嘯東吟稿

顏綸字御飛諸生好理學家言於明儒服膺胡居仁重刻
居業錄行世著有碧巢詩稿

錢夢齡字祚賢士晉元孫諸生讀書砥行爲文根抵經義
詩亦和平溫厚無噍殺鬱結之音晚以哭子喪明或持
詩文就正朗誦一過點竄罔不精當著補巢書屋集

柯煜字南陔於書無所不讀文筆勁健詩則淡雅高潔直
逼王孟又長於駢體雍正癸卯成進士尋以山林積學
薦充明史纂修官謁選得宜都縣改衢州教授薦舉鴻

博不及試卒于家著有石庵樵唱

朱紹周字麟修貢生弱冠偕其兄一蜚以能文名嘗以詩謁錢文端陳羣與論源流派別紹周洞悉正變舌如翻水遂訂忘年交一蜚官陝西紹周匹馬往省秦中多古蹟題詠殆遍詩益蒼秀著有默軒詩鈔

謝垣號東君博學工詩文兼精書畫乾隆丙戌進士官刑部員外郎性耿介絕去依附不汲汲富貴畫不苟作酒酣握筆濡灑淋漓題小詩其上古雅可愛著有鐵網齋壺領山房詩集

孫霖字頌年警敏有才幹康熙辛卯舉人事親孝撫兩弟

嘉興府志

卷五十五

列傳六

五

友愛著有五經堂文編從子無懷諸生少師霖著有菖溪子詩草

錢源來字清許諸生幼有聖童之目父佳極鍾愛而訓讀極嚴家有藏書數千卷鍵戶使盡讀爲文下筆千言立就長洲沈德潛嘗序其詩選入別裁集著有攬雲軒詩鈔

浦鏜字金堂貢生少承家學弱冠卽從事十三經註疏正字一書廣購諸經善本校正疑訛得八十一卷鏜著述工且富有小學紺珠補文選音義雙聲疊韻錄孫魯原名煒字浩如諸生拓落工詩文今尙書紀昀大學士王

杰俱以國士遇之遊豫章與王侍郎昶倡和成編昶爲之序著作多散佚僅存遜吉詩草

唐應焜字新周博涉羣集工詩古文兼長駢體兩中順天副榜教習景山歸卽閉戶授徒不與世事著有棠溪集葉濬發字養生貢生詩文力追古雅杜門著述垂二十年著有文獻通考擬正一書

周震榮字青在受經於父澧壬申舉於鄉授青陽縣調合肥左遷直隸清苑丞補永清令擢永定河南岸同知居官不廢學讐校周禮鄭註坊刻之訛舛者別刊善本又以讀書當先識字撰刻說文字原一帙作養蒙術分年

嘉興府志

卷五十五

列傳六

五

程課之法皆有次第云

柯鴻逵字可儀諸生善書工詩賦引掖後進有請業者諄復不厭著有稻香閣集

丁伯長字孟勤諸生質敏學博工古文詩賦屢試不遇益發憤以勞瘁卒著有謙湖詩鈔

魏圮字丹石諸生與兄坤有二陸之目性高潔不樂仕進詩文有古趣兼工畫著有北郭山人集

以上新纂

隱逸

明

袁仁字良貴父祥祖顯皆有經濟學仁於天文地理歷律

書數兵法水利之屬靡不諳習謂醫雖小技可以藏身
濟人遂寓意於醫崑山魏校疾召仁使者三至弗往謝
曰君以心疾召當呶咀仁義炮治禮樂以暢君之精神
不然十至無益也校疾愈訪仁與語三日大驚遂定交
顯有春秋傳三十卷祥有春秋或問八卷以發其旨仁
復作鍼胡編以闡之

兩浙名賢錄

譚稷字舜臣幼有慧性讀書窺大旨不尋行數墨汎濫百
家史傳尤精於字學聲韻點畫細析牛毛身居市廛超
然遠覽自號西窗居士著金鈴子一卷

一螺集譚處士傳

郁鈇字民威父瑾手植四槐於門稱槐里鈇性伉直以詩

嘉興府志

卷五十五

列傳六

五

文自豪晚築小圃郊外植梅數株駕小艇遊泛其間陸
簣齋邶過之曰猗蘭水仙請爲先生鼓之年八十二終

袁志參嘉善揚志

陸繼鉉字默如方頤廣額目光如寒星少遊黌序有文譽
或勸之投謁有司鉉引袂起曰富貴易令名難也嘗登
燕子磯眺覽江山風物有愴然遺俗之意歸未幾而歿

女夫錢繼章負土治窳崇馬鬣而封之

嘉善楊志

王屋字孝時初名晚少傭書過目成誦作詩多奇句邑諸
生顧艾邀與居艾字病已博學善詩文以行誼重介屋
於魏大中魏讀其詩特起揖推重魏罹難兩人各作長

歌哭送隨護千里屋雖布衣慷慨有氣節明季賊陷秦
晉首倡助餉其詩類劉改之詞學辛幼安同時有沈蔚
字仲涵諸生刻苦潛修著兵法歷法等書魏學濂痛父
兄慘死立衣食禁自繩并投三人令規其失蔚尤切直
年未壯卽棄舉子偕屋隱先屋卒
樵李詩繫參靜志
居詩話嘉善楊志
毛士俠字和仲少入場屋一試不售輒棄去放情詩酒奉
老母課幼弟脫去俗累以樂其志堂右枯竹生枝期年
而成林謂人曰嵇阮復生樂此不疲矣

陸守敬字心明少孤自立不苟言笑讀書至老不衰同時
孫應文字懷用沈文標字元嘉丁嚴德字韶石俱志節

嘉興府志

卷五十五

列傳六

堯

高尚不求聞達

朱元鼎字珍兮幼受知於陳赤石補諸生後從遊南嶽沅
湘歸卽屏跡園居詩筒茶竈別無長物侍郎曹勲每稱
其清泉白石支頤高詠得塵外逸致從弟楚翹字赤城
栽花百餘種委棄世故人亦稱其高簡云
以上嘉善楊志

何浩然字希孟諸生國變後高臥邨野畱意星卜之學所
居一室惟著草菴爐酒瓢詩篋而已戴季華字元樸性
嗜學永夜燃薪苦吟婦農家女機杼佐讀季華自題我
眉散人書於墓碣著有戴氏詩譜昭往錄張翼字羽升
熟韜鈴技勇絕世與浩然友知天下將亂崇禎初遊三

山不知所終

楊李詩繫參吳志嘉善楊志

孫黠字公撰祖母黃一百四歲奉事極孝性嗜奇究心元

理遊豫章諸名山訪旌陽遺跡走新安採朱子講學處

徜徉白嶽黃山間閱數載徧歷會稽禹廟天台鴈蕩以

歸杜門不出

嘉善楊志

沈德孚逸其名隱於農衣敝履穿不為困少嗜老莊乾竺

書後棄去一意探索朱程施約庵張考夫極相引重足

不入城市惟講學一出會畢竟去

嘉善戈志

沈濡字子雨九歲喪父事母孝屏跡林泉以讀書敦本課

子孫足不履城市者四十年李應文字鏡溪佃僕多才

嘉興府志

卷五十五

列傳六

李

會明季不樂仕隱居白牛邨敦名節不入城市子友桃

讀書能承父志

嘉善崔志

國朝

錢洽字西江黠會孫性清介不慕榮利詩酒外無他好布

衣潘佳晴詩人也謂洽詩清真雋逸有元白風致洽亦

自負舊居梅花里以城市為囂攜家白水塘依祖墓以

居茆屋數椽琴書自適日與村翁野老遊或有顯者過

訪輒踰垣去生平著述多散佚董柴如蘭集所選亦非

其得意者

以上新纂

藝術

明

顧孝淵昆弟三人仲恂季愷皆以孝友稱孝淵善草書居武塘號雪樵從事藩府以註誤遷文安卒恂奉其骸骨歸葬鄉人哀之滕杲字宏甫山水花木妙絕一時晚居禪舍絕酒茹素臨終曠然若有所得周振藻字肅陶諸生工詩書法入晉唐人之室鮑嘉字公受善寫照閩人曾鯨授沈韶韶授嘉能傳人性情意態著有傳神秘旨

嘉善章志參

楊志戈志

錢安字以寧精究脈理治病如脫子雲字時望精於傷寒御史春父也後有潘元與雲齊名馮喆字克順長傷寒

嘉興府志

卷五十五

列傳六

空

帶下二症人呼多吉先生子愷博覽醫籍孫科亦工醫

兼善詩字

嘉善于志參章志

袁澤字世霑精痘疹當痘時每至一村集羣童閱之曰某何日出生某何日出死無不驗子樸柏咸繼其術有馬菊南與澤齊名郁光始字涵春痘症察色一見而決子國英亦以痘症行張逸字泰庵通素問脈訣綱目痘症方脈皆精後有張世顯字寰泉治痘應手立效子文光字幼泉文衡字觀泉能傳家學父子皆年踰八表

嘉善章志

參楊志戈志

孫復吉字見心與王冑堂往復參究精其術高隱字果齋

從王冑堂遊得其秘奧冑堂醫書六種皆參酌采輯療疾多奇效年九十餘如少壯同時卜模字儀皇亦能起危疾

劉覽字月梧父性良號仰松精外科授太醫院吏目覽事親孝益精其業雲間陸慶紹母奇疾治之神效饋五百金郤之董其昌陳繼儒延譽授太醫院御醫金元德字鍾梧善醫授太醫院吏目張萬春字復泉治嬰孩神效里中有孺子啼張入室灌藥卽歡笑壽九十六授冠帶醫官丁鳳梧字敬山精治無名腫毒壽七十二授太醫院吏目張丁子孫皆得其傳

以上嘉善楊志

嘉興府志

卷五十五

列傳六

三

朱績字君永治病決生死百不失一遇疫症績至輒愈活人無算性至孝割股救母親族貧乏者自周給不可勝數子燁太學生世其業沈簠字叔璉業岐黃貫通醫術事親孝兄弟雍睦凡診治遇窮乏者濟以藥餌且推食解衣焉舉鄉飲賓子廷楨有傳

顧朝陞字贊勿善撰著決馬世奇入翰林周宗建罹瑞禍不爽金文遴字五雲精堪輿多奇

驗以上嘉善楊志參戈志

國朝

金鈞字上陶少孤遇異人以醫術授精其業性孝事母以色養親族貧乏者時周給之著有素靈廣註醫案日鈔

年八十乾隆元年

賜八品頂帶壽至九十而卒

沈又彭字堯峯少習舉子業以國子生三躋鄉闈遂習醫治輒效不計利有鄰人子瀕危憫其母老無他子會維楊嵯賈以多金聘乃惻然曰此子非我不活忍以嗜利而令人死且絕乎卒不應

鄭崗字玉蟾諸生醫喉立愈子春回繼其業歲大疫食油菜者患咽喉多不治春回療之皆驗著有喉科源遠集沈泰字安洲諸生精醫療人疾頗效工詩著有晚香吟草張昂字方暉諸生萬春六世孫精脈理決人生死多奇中

嘉興府志

卷五十五

列傳六

奎

有一少年貌甚肥就昂醫昂切脈曰汝速歸是夜竟以暴疾亡又治一婦昂曰復發不治如期果驗

張應誕字讓齡諸生精醫有官家女病幾危延應誕治之甫至而氣已絕應誕切其太谿之脈曰疾可爲也卽以熱水貯盆中熨其胸取所煉丸灌之隨嘔六七枚狀如鴿卵應誕曰此唾絨未盡爲痰所裹也復藥之立愈

以上

新纂

流寓

明

夏尚字秀爵世家慈谿至其父始遷仁和宣德間縣學新

設缺弟子員尚自仁和諸生來補正統乙丑登進士授
刑部主事進郎中陞南京大理寺卿尚博學強記詩文
書法冠一時晚營巢居閣于西湖所著有瀛嶼稿家禮
若干卷

王鏊撰墓志

陳國是字與同南直華亭人入籍嘉善萬歷甲戌進士歷
官郎中出知寶慶府有紳某罹衆怨揭竿而起者千人
國是諭以威信卽解散有諸生蕭某聘而未娶江川王
怙勢欲奪之生陳寃王以書來國是立呼鼓吹爲生成
禮配焉時久旱禱之立應轉廣西副使歸子元壽字鑑
先崇禎丙子舉人從子甲字九先萬歷癸丑進士歷官

嘉興府志

卷五十五

列傳六

畜

南禮部郎中

嘉禾徵獻錄

國朝

朱道聖字文石休寧籍僑居魏塘薦饑捐貲設賑贖閩越
虜婦冬夏施絮帷金士維字君範徽州人嘉興府學顏
圮士維潛往捐金不登姓氏當事廉其名勒之貞珉又
有陳應孫字明彝亦徽州籍爲人愿慤敦孝友首捐五
十金倡修郡學

嘉善崔志

程光祖字宏先休寧人五歲而孤事母孝晨昏溫清不失
時刻母病目不交睫母沒哀慟屢絕歲除臥墓傍天明
拜謁乃返生平急難重義尤篤宗誼周濟無吝色卒徐

元文銘其墓何業成號建三原籍徽州寓清風涇自幼
敏慧好學不屑屑習章句欲作五嶽遊以母老歸侍親

沒廬墓終身

嘉善崔志
參戈志

張光曙字淇園雲間人祖父仕宦有政績光曙幼孤寓斜
塘鎮徙居梅花庵工書善詩詞與李焯毛蕃魏坤蔣廷
棟往來倡和刻有硯北齋詞三卷行世

葛道明字元亮自績溪遷杭養親贍族不私所有以嘉善
風醇俗美遂畱居焉子寅字畏庵中癸未武進士點侍
衛授江南提標遊擊引退後囊橐蕭然工書畫以自給
凡邑中公舉皆殫力從事著有書畫苑

以上
吳志

嘉興府志

卷五十五

列傳六

七

錢士清字耕山蘇郡諸生博覽羣書精岐黃術畱心內養
自號耕道人僑居魏里嘗寫蘭竹自娛年七十七無疾
終及門錢以坊等建塔于旌陽道院旁著有傷寒合璧

松窗雜咏等書

嘉善
戈志

施椅字楚望諸生華亭人祖大經父沛俱清白吏載松江
誌名臣傳椅年十三遭父喪有盜入室家人盡逃椅獨
撫棺哭盜稱小孝子而去鼎革後徙居萃川文水漾側
一室圖書寢食坐臥其中自號書龕所著有尙志集書

龕集又有勸孝曲三十二闋

新纂

陶爾遜字穎儒青浦人康熙進士官上虞令擢葭州知州

以病乞歸卜居邑之四十區著有遵渚集鈔

青浦縣志

程孫濟字元楫上海諸生僑居邑之環整坊博洽工詩詞與李永祺輩結社倡和著有春雲集寶善堂詞長嘯吟諸刻

沈廷芳字晚叔仁和人父宰文昌被累戍寧夏母查居邑之西城園廷芳每歲南北省親極行路之苦乾隆丙辰舉宏博授編修改御史出爲山東按察使矜慎庶獄人自不冤尤好獎掖後進爲風雅宗著有理學淵源十三經注疏正字經義坎隱拙齋詩集行世族姪維材字楚望海寧諸生稽文恭曾筠建節兩河聘入幕一切箋奏多出其手後來魏塘卒于寓有樗莊詩文稿十卷

嘉興府志

卷五十五

列傳六

奕

查開字宣門海寧人贅于魏塘卽家焉著有吾匏亭詩集晚年取其伯慎行補註蘇詩及施王兩註正譌芟復爲蘇詩三家合註未刻卒繼配錢氏亦工詩有桐花閣詩稿

查虞昌字鳳階海寧人父祥翰林虞昌乾隆甲戌進士授戶部主事告養歸掌教魏塘後以郎中出爲江南池州府知府歲祿辦賑全活甚衆以疾去官居嘉善熙寧橋構數楹顏曰息廬著廿三史攬實不若園雜俎

以上新纂

嘉興府志卷五十五

